



Tqanil ti'j Vacuna te Tz'aqsb'il ti'j COVID-19 Tze'n'xku Kyab'q'i Xjal

O tz'ok b'aj vacuna ti'ja ex ti'j tala mo tk'wa'la tu'ntzun mi'n ttzaj COVID-19 kyi'je, tu'ntzun mi'n kyyab'tiya kyuwxix wen, tu'n mi'n kykyaj tena toj spital nix tu'n kykyima tu'n COVID-19. O tze'l kynik' xjal in che xnaq'tza'n ti'j vacuna qa tb'anelqe tu'ntzun mi'n ttzaj COVID-19, maske ikju, in nel naj tipumal vacuna aj tb'et amb'il.

Ja'lo, jaku tz'ok qxq'uqin qib' qa ma tz'ok jun vacuna te tz'aqsb'il qi'j.

Ke'yinkuxa toj u'j lu qa jaku tz'ok jun vacuna te tz'aqsb'il ti'ja ex ti'j tk'wa'la tu'n mi'n ttzaj COVID-19 kyi'je.*

Qa o tz'ok ti'ja...	Alkyeqe jaku tz'ok vacuna te tz'aqsb'il ti'j	Alkye vacuna te tz'aqsb'il tu'n tok	Toj alkye amb'il tu'n tok vacuna te tz'aqsb'il
Moderna	K'wal te 6 xjaw ex qe matij xjal	O'kx jaku tz'ok vacuna aju at kab'e q'anb'il toj te tz'aqsb'il, kyi'j qeju k'wal te 6 xjaw tu'n tpon te 4 ab'q'i , ik tze'nx tb'i vacuna o tz'ok kyi'j tnejel maj	Aj tik' 2 xjaw toklen mankb'il vacuna kyi'j (qa aqeju kab'e vacuna e ok nej ex qa aju te tz'aqsb'il o'kx jun q'anb'il at toj)
		Jaku tz'ok jun vacuna aju at kab'e q'anb'il toj te tz'aqsb'il, Pfizer ex qa Moderna, kyi'j qeju o che japun twi' 5 mo mastl ab'q'i	
		Jaku tz'ok kyi'j jun vacuna te tz'aqsb'il, Novavax tb'i, qa nya kyaj mo mlay b'ant tu'n tok jun vacuna at q'anb'il te ARNm toj ex qa na'mx tok juntl vacuna te tz'aqsb'il kyi'j qeju o che japun twi' 18 mo mastl ab'q'i .	Aj tik' 6 xjaw toklen qe tnejel vacuna kyi'j.
Pfizer	Xjal te 5 mo mastl ab'q'i	O'kx jaku tz'ok vacuna aju at kab'e q'anb'il toj te tz'aqsb'il, aju Pfizer tb'i, kyi'j qe k'wal o che japun twi' 5 ab'q'i	Aj tik' 2 xjaw toklen mankb'il vacuna kyi'j (qa aqeju kab'e vacuna e ok nej ex qa aju te tz'aqsb'il o'kx jun q'anb'il at toj)
		Jaku tz'ok jun vacuna aju at kab'e q'anb'il toj te tz'aqsb'il, Pfizer ex qa Moderna, kyi'j qeju o che japun twi' 6 mo mastl ab'q'i , maske junxilt vacuna otoq tz'ok kyi'j	
		Jaku tz'ok kyi'j jun vacuna te tz'aqsb'il, Novavax tb'i, qa nya kyaj mo mlay b'ant tu'n tok jun vacuna at q'anb'il te ARNm toj ex qa na'mx tok juntl vacuna te tz'aqsb'il kyi'j qeju o che japun twi' 18 mo mastl ab'q'i .	Aj tik' 6 xjaw toklen qe tnejel vacuna kyi'j.
Johnson & Johnson	Xjal te 18 mo mastl ab'q'i	Jaku tz'ok jun vacuna aju at kab'e q'anb'il toj te tz'aqsb'il, Pfizer ex qa Moderna, kyi'j qeju o che japun twi' 18 mo mastl ab'q'i	Aj tik' 2 xjaw toklen mankb'il vacuna kyi'j (qa aju tnejel vacuna ok nej ex qa aju te tz'aqsb'il o'kx jun q'anb'il at toj)
		Jaku tz'ok kyi'j jun vacuna te tz'aqsb'il, Novavax tb'i, qa nya kyaj mo mlay b'ant tu'n tok jun vacuna at q'anb'il te ARNm toj ex qa na'mx tok juntl vacuna te tz'aqsb'il kyi'j qeju o che japun twi' 18 mo mastl ab'q'i .	Aj tik' 6 xjaw toklen tnejel vacuna kyi'j.
Novavax	Xjal te 12 mo mastl ab'q'i	Jaku tz'ok jun vacuna aju at kab'e q'anb'il toj te tz'aqsb'il, Pfizer ex qa Moderna, kyi'j qeju o che japun twi' 12 mo mastl ab'q'i	Aj tik' 2 xjaw toklen qe tnejel vacuna kyi'j
		Jaku tz'ok kyi'j jun vacuna te tz'aqsb'il, Novavax tb'i, qa nya kyaj mo mlay b'ant tu'n tok jun vacuna at q'anb'il te ARNm toj ex qa na'mx tok juntl vacuna te tz'aqsb'il kyi'j qeju o che japun twi' 18 mo mastl ab'q'i .	Aj tik' 6 xjaw toklen qe tnejel vacuna kyi'j.

Junxilt ttxoil tu'n tok vacuna ti'ja qa miti'xix tipumal t-xmilala mo juntl yab'il tok ti'ja.



*Qa o tze'l tiqene virus SARS-CoV-2, tz'ayona 3 xjaw teji ttzaj yek'b'il ti'j yab'il ti'ja mo teji tetz q'ama'n toj prueba qa at COVID-19 ti'ja (qa miti' yek'b'il ti'j yab'il) ex **q'onka vacuna ti'ja mo aju vacuna te tz'aqsb'il**. O tze'l kynik' xjal in che xnaq'tzan ti'j vacuna (o'kx toj yol inglés), qa mas b'a'n tu'n mi'n tok tq'o'n naja vacuna qa k'itz'eku tzaj yab'il ti'ja. Ax ikx, miti'xix in che yab'te xjal juntl maj kyoj junjun seman ex xjaw qa otoq tzaj yab'il kyi'j. Tu'ntzun tel nika' ti'j qa il ti'j tu'n tayona tu'n tok vacuna te tz'aqsb'il ti'ja qa k'itz'eku tzaj COVID-19 ti'ja, ximana ti'j qa jaku tzaj juntl maj, **qa jaku yab'tiya kyuwxix wen (o'kx toj yol inglés), tze'n in b'et COVID-19 toj tnam (o'kx toj yol inglés)** ex alkye wiq virus SARS-CoV-2 in b'et kyxol xjal.

Qe Xjel Kukx in che Tzaj Qanin ti'j Vacuna te Tz'aqsb'il ti'j COVID-19

¿Ti' aju vacuna at kab'e q'anb'il tku'x toj?

Jun vacuna te tz'aqsb'il at kab'e q'anb'il toj in nonin tu'n mi'n ttzaj COVID-19 qij tu'nju at q'anb'il ti'j tnejel virus ex ax ikx at q'anb'il ti'j juntl wiq virus Omicron tb'i, aju mas in che yab'te xjal tu'n toj amb'il ja'lo. In che onin vacuna te tz'aqsb'il at kab'e q'anb'il toj tu'n tok qxq'uqin qib' tu'ntzun mi'n tel qiqen virus ex tu'n tten tipumal vacuna toj nim amb'il.

¿Tiqu'n nim toklen vacuna te tz'aqsb'il?

In che onin vacuna te tz'aqsb'il tu'n kukx tok qxq'uqin qib' ex tu'n mi'n qyab'te kyuwix wen. Il ti'j tu'n tok vacuna te tz'aqsb'il kye kykyaqil xjal te 5 mo mastl ab'q'i tu'ntzun kukx tok kyxq'uqin kyib'. Atzun qeju xjal minti'xix tipumal kyxmilal ex qa at juntl yab'il tok kyij, b'alo il ti'j tu'n tok junjuntl vacuna te tz'aqsb'il kyij tu'ntzun mi'n kyyab'te. Nim toklen jlu tu'nju ate' nim wiq virus in tzaj COVID-19 kyu'n ex junrat in che el sputj kyxol xjal toj tnam Estados Unidos.

Qa il ti'j tu'n tok jun vacuna te tz'aqsb'il wi'je, ¿ape t-xilen jlu qa minti' kyajb'en qe tnejel vacuna?

Nya ik ttenju. Toj tnam Estados Unidos at kyajb'en vacuna tu'n mi'n kyyab'te xjal, tu'n mi'n kykyaq ten toj spital ex tu'n mi'n kykim kyu'n txqantl wiq virus in tzaj COVID-19 kyu'n. Noqtzen tu'nj, o tzel kynik' xjal in che xnaq'tzan ti'j COVID-19 qa in nel naj tipumal vacuna aj tb'et amb'il kyxol xjal mas junrat jaku che yab'te qa nim moqa noq ch'in. O che kub' b'incha'n vacuna at kab'e q'anb'il toj te tz'aqsb'il tu'ntzun kukx tten tipumal vacuna toj qxmilal ex tu'n mi'n qyab'te kyu'n junxiti wiq virus.

¿Ti' kxel wi'ne aj pon amb'il tu'n tok vacuna te tz'aqsb'il wi'je?

[Q'inxa tu'ja te yek'b'il vacuna o tz'ok ti'ja ex tu'j tk'w'ala \(o'kx toj yol inglés\)](#) tu'ntzun tel tnik' ajq'anel ti'j qa o tz'ok b'aj qe tnejel vacuna ti'ja. Qa o tzel naj tu'ja, jaku jyo'n ajq'anel tqanil ti'ja.

¿Tiqu'n junxiti aju toxin vacuna twitzju vacuna te tz'aqsb'il?

Jaku tz'ok toxin vacuna kyij qeju minti'xix tipumal kyxmilal, ex o tz'ok b'aj kab'e vacuna te ARNm kyij (ik tze'n Pfizer ex qa Moderna), maske ikju minti'xix onin vacuna kyij tu'n tla'j kyyab'il.

In nok vacuna te tz'aqsb'il tu'n tonin qij ex tu'n kukx tok qxq'uqin qib' tu'nju otoqlo kub' naj tipumal vacuna toj qxmilal tej tb'et amb'il.

¿Alkye vacuna te tz'aqsb'il jaku tz'ok wi'je?

Il ti'j tu'n tok vacuna at kab'e q'anb'il toj te tz'aqsb'il, kyij k'wal te 6 xjaw tu'n t'apun te 4 ab'q'i, ik tze'nx tb'i vacuna o tz'ok tnejel.

Atzun qe k'wal q'i'n 5 ab'q'i kyu'n ex o tz'ok qe tnejel vacuna Pfizer kyij, ax ikx vacuna te tz'aqsb'il Pfizer k'okel kyij.

Atzun qe k'wal q'i'n 5 ab'q'i kyu'n ex o tz'ok qe tnejel vacuna Moderna kyij, jaku tz'ok vacuna Moderna ex qa Pfizer kyij, aju at kab'e q'anb'il toj te tz'aqsb'il.

Jaku tz'ok vacuna at kab'e q'anb'il toj te tz'aqsb'il, aju Pfizer ex qa Moderna, kyij xjal o che japun twi' 6 mo mastl ab'q'i, noq tze'nxku vacuna otoq tz'ok kyij tnejel.

Jaku tz'ok kyij qeju at 18 mo mastl ab'q'i jun vacuna te tz'aqsb'il, Novavax tb'i, qa nya kyaj mo mlay b'ant tu'n tok jun vacuna at q'anb'il te ARNm toj ex qa na'mx tok juntl vacuna te tz'aqsb'il ti'j COVID-19 kyij.

¿Jaku txi qq'ama'n qa o tz'ok b'aj kykyaqil vacuna ti'ja?

Jaku, o'kx qa o tz'ok b'aj qe tnejel vacuna ti'j COVID-19 ti'ja ex ax ikx qe vacuna te tz'aqsb'il k'itzqe o che etz, ik tze'n tq'ama CDC.

¿Jakupe tz'ok vacuna te tz'aqsb'il wi'je junx tuk'il juntl vacuna ik tze'n aju tu'n mi'n ttzaj chon wi' qij?

Jaku. Jaku tz'ok vacuna ti'j COVID-19 ti'ja ex ti'j tk'wa'la toj ax amb'il aj in nok junjuntl vacuna. Nya il ti'j tu'n t'jone juntl amb'il tu'n kyok [vacuna in che ok kyij k'wal toj tja xnaq'tzb'il \(o'kx toj yol inglés\)](#), tu'nju jaku tz'ok toj ax amb'il junx tuk'il vacuna ti'j COVID-19. Tb'anel tu'n t-xi tqanina vacuna ti'j COVID-19 te teya ex qa te tk'wa'la tu'n tel tnik'a ti'j qa mixti' jun vacuna atx taj tu'n tok.

¿Atx mas xjel? Tz'okxa toj:
[**doh.wa.gov/covidbooster \(o'kx toj yol inglés\)**](https://doh.wa.gov/covidbooster)